

آبونه شرائطی

ممالك عثمانیه ده سنه لکى (۶۵)، الق
آبانم (۳۵۱) غروشدور .

ممالك عثمانیه ده سنه لکى (۶۷)، الق
آبانم (۹) فرانقدور .

اداره خانه

باب عالی جاده سیده دائره مخصوصه

اضطرابات

آبونه بدلی پشندور .

§

مسلكه موافق آثار مع الممنونه قبول
اولنور . درج ابدله بن یازیلر اعاده
اولونماز .

الشرائط

س ۱ ۳ ۳ ۰ ۱ ۳ ۳ ۰ ۱ ۳ ۳ ۰

دینی ، فلسفی ، علمی ، ادبی ، سیاسی هفته لقی مجموعه اسلامیه در .

والله يهدي من يشاء الى صراط مستقيم

صاحب و مدیر مسئول : اشرف اديب

اتبعون اهدكم سبيل الرشاد

عدد ۲۷۵

۱۳ ذی الحجه ۱۳۳۱

پنجشنبه

۳۱ تشرین اول ۱۳۲۹

جلد ۱۱

اضطرابات

رساله مزین آ آمدیغی کوسترملک شرطیله
بتون یازیلر هر هانکی برقرنه طرفندن
اقتباس اولونه بیلیر .

§

مکتوبلرک ، امضالرک واضح و اوقوناقلی
اولمسی و آبونه صبره نومردن محقری
بولونمسی لازمدر .

§

ممالك اجنبیه ایچون آبونه اولانلرک
آدرس لرینک فر انسرجه ده یارلمسی دجا
اولنور .

§

پاره کوندرلدیکی ، ان نه یه د تر اولدیغیک
واضعا بیلدیلمسی دجا اولنور .

سلطان فیصلک دوقوز اوغلی اولدینی روایت اولنیورسه ده آوروپا
تقوملرینه کبره یالکیز ایکی اوغلی اولوب برینک اسمی السید تیمور،
دیگرینک اسمی ده السید نادر در . بو کون امام سید فیصلک وفاتی
اوزرینه مقام امامتی اوغلی سید تیمور اشغال ایتشد .
سید تیمور فاضل، متدین اولوب مرحوم پدری کی آجیق فکرلی
ترقی پرور بر ذاتدر . تحصیلنی بومبای دارالفنون اسلامیسنده ا کمال
ایتشد .

فکتا نیت

هندستانه مخبر مخصوص صمد در :

مدراسدن سیلان آله سنه

مدراس - تونی کورین :

مدراسده تبعاتمی ا کمال ایدرک، سیلان طوغری حرکت ایتدم . مدراسدن
سیلان کیتک ایچون یکریمی دوت ساعت شمندوفرله، اون ایکی ساعتده واپورله
یولجیق ایتک لازمدر .

هندستانک معمود سواحل جنوبیه سندن بریده Tuticorine (تونی کورین)
قصبه سیدرکه، بورادن واپورده پنیلوب سیلان آله سنه کیدیلیر . مدراس ایله
توتیکورین آره سنده کی مسافه ۴۷۴ میل اولوب، یکریمی دوت ساعتده شمندوفرله
طی ایدیلیر . مذکور شمندوفر South indian Railuoay هند جنوبی
قومپانیه سنه منسوبدر . برنجی موقعلرنده بر یولجی انجیق راحت ایده بیلیر .
ایکینجی موقعی هم طار، همده ال یوز ییقامه مخصوص اولان ثابت لکن
وموصلق عینی واغونده بولیورکه، تیزلکه رعایت ایدیلیر . فقط مذکور
تره نک ایچنده یک صالونی وارددر . یولجیلر چای، قهوه، یک وهر ایستکلرینی
کال سهولته خدمه لر واسطه سیله سپارش ایده بیلیرلر . بیه جک وایچه جک شیرلر ده
فیاتی فاحش اولوب یک معتدل و تیزدر . مثلاً بر اوکله طعامی اون ایکی غروش
مقابلنده نفیس اولق شرطیله تأمین ایدیلیر .

مدراس قصبه سنک ایچنده اوچ شمندوفر استاسیونی واردرکه، بری بومبای
ایله هندستان شمندوفرلرینه مخصوص اولوب، دیگر ایکسی سواحل جنوبیه
آمد شد ایدن تره نلر ایچونددر . بوایکی موقتکده بری دکر وریختم کنشارنده
واقع اولوب مناقلات تجاریه نک سهولته اجراسنی تحت تأمین ایتشد .
مدراسه تابع اولان قصبه وقریه لک جمله می اکین وزراعتله معموددر .
شمندوفر خطنک هرایی طرفنده واقع اولان تارلارک جمله می مزروع برحاله
اولوب، زراعتسز برقاریش یره بیله اندز تصادف اولور . دقیقه باشنده تره نک
صاغنده وصولنده واقع اولان کویلر، یولجیلر کندیلرینی مفتخرانه برصورتده
عرض ایدیورلر . قولوبلر بعض فقیرالحال کویلرده قامیشدن، الیافدن وسائرده
معمول ایه ده، دیگر سویده - زنکین - بولنان کویلرک قولوبلری عادتاً
کوزل کاشانه لردن عبارتدر . مدراسدن تونی کورین ساحلنه قدر کوزیمه
ایلیشان کویلرک یوزده طقسان بشی هندولرله مسکون و آنلر طرفندن زراعت
ایدیلوردی . هندو کویلرینی انسان یک چاق و قولای تفریق ایده بیلیر . زیرا
کویک مدخلنده و مخرجنده مطلقاً کوچوک برکتبخانه بولیور . کویلر ذخیره
وارزاقلرینی کندی اوکوز آرابه لرله شوسه دن سهولته استاسیونه سوق وایصال
ایدیلورلر .

مدراس - تونی کورین یولجیلرینی اثناسنده غایت انجه واوزون coconut
قوقوا جوزی آغاچلرینه مبدولاً تصادف اولور . بوندن بشقه هندو چیغیچیلر یک

عصر قدر پایدارا اولدی ایه ده، صوکرالی زمام سلطنت ازدیلرک
سالاسندن چیقارق قحطایلرک آینه کچمش بولیوردی .
صوکرالی ۱۵۰۰ تاریخ میلادیلرینه طوغرو بورالری مشهور
دوغامانک قومانداسی آلتنده کی پورتکیزیلر طرفندن استیلا ایدیلدی .
۲۰۰ سنه قدر یعنی ۱۱۲۵ تاریخ هجریلرینه قدر پورتکیزیلرک
اداره سنده قالدی . پورتکیزیلر اورالرده حکمران اولدقلری مدتیجه
برجوق آثار میدانه کتیردکلی کی یریلری ده ایچرولره طوغری
سورمشلردی .

صوکرالی یریلرده بر انتباه حصوله کلکه باشلادی . عربلر
آراسنده پورتکیزیلر قوغمق حسی اوپاندی . یک آز بر
زمان طرفنده بو غلیان شدت پیدا ایتش، آرتق پورتکیزیلر یریلره
قارشی مقاومت ایده میه جک بر حاله کلشدی . سیف ابن سلطان بن
یوسف بن مالک بن عرب النبهانی القحطانی نامنده قهرمان بر امامک
اداره وقومانداسی آلتنده اتحاد ایتش اولان یرلی عربلر، پورتکیزیلر
مسقط وجوارندن طردایتدکلی کی تجهیز ایله دکلی قوتلی دوئلرله
تعقیبه قویولدی . زنکبار طرفلری، بوتون شرقی و جنوبی آفریقا
ومداسقار آله لری پورتکیزلردن تمامیه تمیزلندی . بوتون بو مملکتلر
قحطانی اماملرک زیر اداره سنده قالدی . بر مدت صوکرای امامت تکرار
ازدیلرک الله کجی : ابن احمد بن سعید بن احمد ابوسعیدالازدی امام
اولدی . مسقط، بحرین، زنکبار، وسائر بعض بلاد آفریقیه یی زیر اداره سنه
آلدی .

بر مدت صوکرای بوتون بورالری قوجه هندستان قطعه سیله برابر
انکلترونک زیر حمایه سنه کیردی . بو کون استقلال داخلیلرینی تمامیه
محافظه ایتکله برابر، سائر دولتلر ایله مناسبتده وخارجه قارشی برکونه
تعهداتده بولمق حقنی حازر دکدر .

صوک کونلرده یمنی شیخ عبداللهک دین نامنه اوله رق حکومت
محلیه و انکیزلر علیمنده اداره ایتکده اولدینی اختلالر سببیه مملکت
خیلی صاریلدی . بعض انکیزلرک روایتنه کوره مسقط امامی انکلترونه
- هند حکومتته مراجعت ایده رک حمایه سنی طلب ایتدی . هندستان
حکومتی اختلالی باصدیرمق اوزره سفائن حربیه ایله بر مقدار عسکر
کوندردی .

فقط اصل مسقطیلرک سوزینه باقیلیرسه انکیزلرک بوروایتلری
طوغری دکدر . هر نه قدر انکیزلرک تنسیبیه هندستان حکومتی بر
مقدار سفائن حربیه ایله عسکر کوندردی ایه ده بو بر بهانه دن عبارت
ایدی . چونکه شیخ عبدالله طرفندن اداره ایدیلکده اولان اختلالر
او قدر مهم دکلی . حکومت محلیه بو اختلالری باصدیرمق خصوصنده
قطعاً رخاوت کوسترمه یوردی . حتی صوک اختلالر مرحوم سید
فیصلک اوغلنک زیر اداره سنده کی عسکر طرفندن باصدیریلدی؛ آسایش
اعاده ایدیلدی .

ایندیروب یوکلتمک ایچون ایکی اوزون وکنیش قولدن عبارت اولان طالعہ قیراندن واپورمنر صنعی لیانه داخل اوله رق قصبه نیک بر چاریک میل اوزاقلغنده دمر آتدی . مذکور طالعہ قیرانلر اوزون برخط منکسر شکنده ساحلک ایکی طرفندن دکره طوغری اوزامش وخطک هر ایکی نقطه انتهایه سنده برر فنار قوله سی انشا ایدلشدر . کیجه کوندوز واپورلر هیچ بر زجت و مشقت حس ایتکسزین لیانه کیروب بارینرلر . اولجه سیلان آطه سنک لیانی و مقر حکومتی Gales غالس ایدی . فقط صوکره دن قولومبو صنعی بر لیان حاله افراغ اولدقده بوراسی سیلان آطه سنک یکانه تجارت ساحلی اولغه باشلا بهرق، غالس لیانی سوندیرمشدر .

لیانه رطالعہ قیرانلر :

صنعی لیان بشیوز Acre انگلیز دونی وسعتنده جزر زماننده یکرمی آتی و مد زماننده قرق انگلیز قدیمی عمقنده در . طالعہ قیرانلرک ایلک تمل طاشی ۱۸۷۵ سنه سنک ۸ کانون اولنده . انگلیز ولی عهدی پرنس دوغال طرفندن وضع اولمشدر . اوصیره لده شیمیکی قرالک متوفی پدیری یدنجی ادوارد برای سیاحت هندستانه کلش و قولومبو آطه سنده اوغرامشیدی . بوضعی طالعہ قیرانلر ۱۸۸۵ سنه سنده حد ختامه ایرمش و آطه یه یکی برحیات و فعالیت تجاریه بخش ایتمشدر .

[استطراد : — بیروتده بویه بر طالعہ قیرانه تصادف ایتشیدم . فقط مع التأسف اکیال ایدلامش و بویه جه قیریق روکوک طاشلری کلن کچنلرک نظر دقتی جلب ایدوب ، بزم ایش آدمی اولدیغمیزی لسان حال ایله بیان ایلکده در .]

مذکور طالعہ قیرانلرک تملری خالص دمیردن اولوب ، اوزرنده کی طاشلر ایسه غرایتدر ، قوللرک اوزونلنی برر میلدر . قوللرک قره یه یتشیک اولان نقاط ابتدائیله آتمش ایکی انگلیز قدیمی قایلنلغنده در .

بوانشا آتده استعمال اولان طاشلر قولومبونک اون ایکی میل اوتنه سنده بوانان بر طاعدن قیرایوب عملیات محله کتیرلشدر . بو طاشلرک حجمی ایکیه آیرلشدر . بوبوک اولانلرک آغیرلنی اوتون ایکی ، کوچوکلرک کی ایسه اون آلتی طونیلاتودر .

دکترک فورطنه لی زمانلرنده بحر محیط هندیک تاقبلکهندن قاپاران طالعهلر بوسده یه شدله هجوم ایتدیکنده الی انگلیز قدیمی قدر بردن بره صولر ارتفاع ایدر وناظرینه (نیاغارا) شلاله سی بر منظره یی ارائه ایلر . جدیت و فعالیت بشریه نیک نه خارقه لر ابداع و ایجاد ایتدیکنی کورمک آرزو ایدنلر بومنظره یی تماشا ایتلری مقتضیدر .

مذکور سده یی انشایدن ذات الکاترک اک ماهر استاد مهندس لرندن Sir gohn coode جنابلریدر . سده نیک صرفی برملیون لیریه قریب اولوب ، عملیات وانشآت تام اون سنه ظرفنده اکیال ایدلشدر . سده اوزرنده مذکور بولنان فنارک ایشینی اون میل اوزاقده سیر ایدن واپورلر طرفندن کال وضوحه کورولمکده در .

بو طالعہ قیرانلرک انشاسندن اول آطه دن واپورلر و واپورلرک آطه یه حمل و نقل اولنان امتعه و اموال تجاریه طالعهلرک هجومندن متحصلا اولان صولردن ضرر دیده اولوردی . آیده بر ایکی یلکن قانی باتار وایچنده کی اجمال واثقال دکترک اعماقته کومولوردی .

شیمیدی ایسه بومحدورلر رفع ایدلش و تجارتک شکران ومنتنی حکومته قارشو تأمین ایلشدر .

بوسده لک قولومبویه بخش ایلدیکی عمران و ثروت کوندن کونه زاید ایتکده واهالی ایله حکومتک قاصه لرینی نقدایله طولدیرمغه خدمت ایلکده در . بو طاش آیده ختام بولدقن صوکره ایلک سده سنده قولومبودن واپورلر تحمیل ایدیلن متاعلرک ثقلنی - اولجه ۱۹۷۰۰۰۰۰ طونیلاتو ایکن - بش میلیون طونیلاتویه فیرلامشدرکه ، آرده کی فرق نه قدر چوق اولدیغی درحال اکلاشیلیر . آطه حکومتی و قتيله بوسده ایله ، شمندوفره ، زراعتک عملیات اسقائیه

هریان بر حاله چولوق چوقلریله برلکده کونشک یافچی حرارت واشمه سی آلتنده تارلارده چیفت سورمکه مشغول اولدقلری کوریلور . بونجه زجت و مشقتله الیه ایدیلن محصولک یوزده آتمشی حکومت طرفندن تحصیل وحبایت اولنور . تارلا ، صو منازعه لرینه اصلا محل قالمشدر . زیرا صو وارضی قداسترو اصولیه زراعه و قتيله توزیع اولمش و آکا کوره ویرکولری آلمقده در . بویولجیلغده تونله هیچ راست کلدیم . بالعکس ایکی اوچ بوبوک کوریدن کچدک . مذکور کوریلرک انشاسنه دیه بیلیرمکه یوزربیک لیراصرف ایدلشدر .

استاسیونلرده انتظام :

هراستاسیونده پوسته و تلغرافخانه ، کتابچی دکانی ، ارکک و قادیلرله مخصوص بیت الحلالر ، صو موصقلری موجوددر .

عموم شمندوفرلر قومپایه سی طرفندن هرسته یکیدن نشر اولنان Guide - تعرفه - لده تره نیک هر استاسیونده قاچ دقیقه توقف ایده جکی ایضاح ایدلیدیجهته ، بولجیلر آکا کوره آرابه لردن اینوب موقوفه طولاشدقن صوکره ، تره نیک حرکتی اشعار ایدن چاکک چالشی اوزرینه تکرار یرلرینه کیدرلر . اوتیه بری صاقلر ، تره نیک استاسیونیه مواصلتی اوزرینه اشیالری بولجیلره درحال عرض ایدرلر . اولدقچه بویوزدن پاره قازانان قعیر اصنافلر بو صورتله عائله لرینک معیشتلری تأمینیه موفق اولورلر .

هراستاسیونده برایکی یوایس و بوبوک موقفلرده پولیس قومیسری اورته لغه دقت ایتکده درلر . ایجاب ایدرسه بولجیلری یوقلامغه ، استجوابه ، توقیفه صلاحیتلری وارددر .

تره ن هر استاسیونیه واصل اولدقده ، (شفه) - استاسیون مأموری - دن پراتیقه آتیر واوله جه یولنه دوام ایدر . هر توقف اولنان موقوفه پوسته اخذ و تعاطی اولنور .

مدراس - توتی کورین اراسنده اونیدی بوبوک استاسیون وارددر . بو موقفلرک هر بری قوجه بر قصبه درکه ، بزم لوالردن ده مسور ، بوبوکدر . مذکور موقفلرده کوزل فابریقه لده تأسیس اولمشدر . حالبوکه بزم لوالرده شویله طورسون ، ولایاتمزه بیله بر فابریقه یه تصادف اولنیور . تجارت ، زراعت ، آلیش ویریش دائما حال فعالیتده در . حکومت ویرکولر یوزندن قاصه لرینی سنه نیک ختامندن اول طولدیرمغه موفق اولور .

اورمانلر :

شمندوفر خطی اوزنده واقع اولان اورمانلر انسانک نظر دقتی جلبه سزاوارددر . اورمانک متعدد قورچیلری دائما وظیفه لری باشنده بولوب ، آغاجلره نومرو وضع ایتک ، اورمانی سوپورتک ، آغاجلرک زائد دال بوداقلری کسیدیرمکه اشتغال ایتکلی کوریلیر . بو اورمانلرک ایچنده بعضاً شوسه یوللری ده وارددر . رخصتسز بر آغاج کسیده منر . کسیده ، درحال جزای نقدی وحبس متجاوزی تهدید ایدر . هندستانده کی اورمانلر حد وحصه کله منر . مذکور اورمانلرده طیور ، جانور ، حشرات و بوغاییللری مبدولدر . اورمانک آغاجلری اوزرنده کال شطارتله جانبازلیق ایدن مایونلرک کورولتیلری پاک خوشدر . مذکور اورمانلرده آویشنده قوشانلر مطلقا بلدی رخصتنامه سی حائز اولملری شرط اتخاذاولمشدر . رخصتنامه یی حائز اولمیانلر نه تنفک طاشیه بیلیر ، نه ده آواورده بیلیرلر . بوندن ماعدا اوریله جق ، صید اولنه جق حیوانات ده حکومت طرفندن تعیین و تحدید اولمش و حدود مذکور خارچنده بولنان حیواناتی آوجیلر صید ایده منرلر .

قولومبویه مواصلت :

ابلول افرنجینک اون آلتیسنده توتیکورین قصبه سندن واپوره پنه رک ایرتسی کونی علی الصباح سیلان آطه سنک مقری اولان (قولومبو) شهرینه یتشدک . واپورلری باریندیرمق و مناقلات تجاریه یی فورطنه لی زمانلرده قره یه و واپوره

قولومبو قصبه سنک اسکله سی کراسته و تخته دن معمولدر . منتظم مردیونلرله اسکله و صوکره قره یه چیقیر . قره به چیقار چیقماز پولیس دأثره سی ، قارشو سنده ده کومروک اداره خانه سی هرشیدن اول یولچینک نظر دقتی جلب ایدر .

وسائل نفلیه :

آطه نك بلدیس طرفندن حاللرله ، ارا به جی وال آرا به جیلرینه ، كه بوراده مبدولاً بولنور و یولچیلری ال ایله چكوب ایستیلن یره کوتورورلر . قایقچیلره مخصوص پك منتظم بر تعرفه تنظیم اولمشدر . حققرندن زیاده یولچیدن برشی طلب ایتمكه حققری یوقدر . اوفاجیق ر کورولتی نتیجه سنده دعوائی سواقنده طوران پولیس نفری حله مأذوندر . بناء علیه یولچی و سیاحین بوراده سهولت و راحتله کشت و گذار ایده ییلرلر . مذکور تعرفه نك اك لزومیلرینی بورایه درج ایتمه یی مناسب کورورم .

مسکولات :

تفصیلاته کیریشمزدن اول قولومبونك مسکوکاتی حقنده قارئلرله بر آر معلومات و یرم جکم . بو آطه داخلنده ضرب اولنان (روپیه) لر سانیتم حسابنه - سهولت اخذ واعطایچون - تقسیم اولمشدر . برروپیه یوز، یارم روپیه الی، چاریک روپیه ۲۵ سانیتم و بو مسکوکاتك جنبه سی کوموشدر . کسور اون ، بش، ۱ ، یارم سانیتمك پاره لر ایسه باقیدر .

نقلیه تعرفه لری :

قایقچی بر یولچی یی یکریمی سانیتم مقابلنده قره یه چیقاریر . یولچی ایله برابر اولان خفیف اشیان قایقچی پاره آله مر . صاحبی بشقه اولان اشیان پارچه باشنه بش سانیتم اجرت آلیر . ۲۴ × ۱۰ × ۱۸ اینچ اوزونلغنده بولنان چانطهلردن اون سانیتم ودها بویوکندن اون بش و فوق العاده جسم اولانلردن یکریمی بش سانیتم اجرت طلب ایدیلیر .

اسکله دن آرا به قدر کوچوک اشیان دوت و بویوک پارچهلر اونر سانیتم مقابلنده حمایه اجرتنه تابعدرلر . ال ایله چکیلوب Rickshaw (ریکشا) تسمیه اولنان آرا بهلر - كه برکشینک رکوبنه مخصوصدر - برنجی ساعت ایچون یارم و آندن صوکره کی ساعتلر ایچون بر چاریک روپیه قوشولورلر . آرا بهلر برنجی ساعتده بر روپیه ، آندن صوکره کی ساعتلر ایچون یارم روپیه و یریلیر .

شمندوفر حاللرینه بر پارچه یوک ایچون بش، دها زیاده اولورسه مجموعنه اون سانیتم و یریلیدر . هوتلده اوطه خدمه لکی ایفا ایدن بر چوجوغه ایلك کون ایچون ۲۵ ، اوچ کون ایچون الی سانیتم و یرمک لازمدر .

پوسته و تلفراف :

آطه داخلنده تلفراف و پوسته اجرتی پك اوجوزدر . هندستانه کوندریله جك مکتوب و تلفرافلر ایچون اهون فیات آلیر . انجق ممالک اجنبیه کوندریله جك تلفراف و مکتوبلردن فضله جه پاره آلمقدهدر .

اوزانه :

هر یرده اولدینی کبی اوزان مختلفه سیلان آطه سنده ده حکمفرما ایسه ده ، حکومت طرفندن تعیین اولنان اوزان اوزرینه صاتیلان اوزاق و مأ کولانك فیاتی معین و محدود اولوب فیات مذکوره خارجنده هیچ بر اصناف فضله پاره طلب ایده مر . چونکه جزایه معروض قاله جنی طبعیدر .

سیلان آطه سی: قولومبو

س . م . توفیق

ژاپونیا مخبر مخصوص صمزدنه :

تو کیده بین الملل و بین الادیان بر اجتماع

بر قاج وقتدن بری ، آمریقا علماسندن و آمریقا نك موحدین خرسینیانه جماعتی اعضاسندن دوقنور (ساندرا لاند) نام ذات، ژاپونیا

واروایه سنه ، امور نافعه یه صرف ایلك اوزره اوچ میلیون لیرالی بر استقراض داخلی عقد ایتمک صورتیله ، مملکتک اعمارینه موفق اولشدر . روزکار سرت اسمدیکی زمانلرده بوسده نك اوزرنده راحتله کزیمک ممکندر .

قولومبو امین و سالم بر لیان حالی آلمزدن اول اراضی ایله املاک و عقارک فیاتی پك دوشکون ایکن ، فی یومنا هذا بر مترو مربع یرینی بر یچی انکلیز لیراسندن آشای صانون آلمق غیر قابلدر .

خلاصه آطه نك ثروت و اعتباری بردن بره فیلامش و اوج اعلا یی بولمشدر .

خبریات :

وایورمن لیانه داخل اولدندن صوکره پولیس و کومروک مأمورلری بزی زیارت ایتمکده قصور ایدیلر . پولیسک سؤال و استیاضا لرینه ایجاب ایدن جوابی و یروب، لندن قورتولدم ایسه ده کومروکچینک لندن یاقه یی بر درلوتخلیصه موفق اوله مدم . او متصل اشیام ایچنده شراب ، توتون، افیون ، خشخش ، مجوهر بولنوب بولمندیغی صوراردی . یکریمی بش سیغاره دن بشقه بر شیک بزه موجود بولمندیغی اکلا نیجه چانطهلر مک آچیلیمسی آرزو ایتدی . درحال آچدم . بر آشای بر یوقاری باقدندن صوکره پك اعلا دیهرک الله بر علم خبر صیقیشدیردی .

قولومبو شهریندر نك التفاتی :

قره یه ایتمزدن اول قولومبو ده کی فخری شهیندرمن تجار محلیه دن (حاجی محمد ماقار ماریقار) افندی بر قایقله وایوره طوغری کله رک، کال لطف و انسانیتله بنله مضافه ایتدکن صوکره بر ابرجه قایقه آتلادق . قره ده طوران قویه آرا به سی بزی غایت مکلف و محتشم بر قوناغه - دها طوغریسی بریالیه - ایصال ایلدی . میر موی الیه اوچ سنه اول اوروپایی طولاشدندن صوکره استانبولی زیارت ایتمش و بوغاز ایچنده کی کوشکاری خیلی تدقیق ایلشدر . بورایه عودتندن صوکره بزم یالیلر طرزنده شیمدیکی کاشانه سی بش بیک انکلیز لیراسیله انشا Villa stamboul ایله رک (ویلا استانبول) نامی و یرمشدر .

بو مکلف ، مزین و عالی بنانک اوزرنده جهه کونلری عثمانلی بایراغی بر شکوه و عظمت فوق العاده ایله تموج ایدیور . بنم حقمده یاپیلان بونجه حسن قبول و انسانیتک ثنا و تشکراتی ، بنی شهیندرمنزه توصیه ایدن بومبای باش شهیندری وکیل عالیسی حسن بصری پك افندی یه مدیونم . بوکنج پك افندی نك بکا ایتدیکی علو جناب و انسانیتنه قارشو الی الا بد منتدار قاله جنم . بو صورتله سیل الرشد جریده سنه کوستردیکی توجه و التفات سزاوار تشکر و تقدیردر .

سیلوه اطه سی اداره سی :

سیلان آطه سی تمامیه بر آرمود و یاخود بر قلب شکندهدر . مذکور آطه نك حکومتی، طرز اداره سی، پاره سی، باقنوطلری، پولیسی ، ژاندارمه سی، محاکمی، حاصلی هرشیی آری و مستقل اولوب، هندستان حکومتیه بر رابطه سی یوقدر .

قولومبو ، سیلان آطه سنک مرکز و مقر حکومتیدر . انکلتزه حکومتی آطه نك مزاج و هوا سیله اهالیسنک طبایع و اخلاقنه کوره قانونلر تنظیم ایتمش و فقط جمله سنده کندی حقوق حکمرانیسی مع زیاده محافظه یه دقت و اعتنا ایلشدر .

تفصیلات :

آطه یه هویتی، شخصی مجهول و حکومتجه طانیه جق هیچ بر کیمسه آتیاق آته مر . مطلق بر حرفت و صنعتی، ایش و تجارتی، یاخود سیاحت ایچون کلش اولمی شرطدر . یولچیلرک اشیالری دقتله معاینه ایدیلیر . مواد ممنوعه - اسلحه ، افیون ، خشخش، توتون و ساثره کبی - مصادره ایدیلیر . بر یولچی انجق یاننده یوز سیغاره بولوندره ییلیر .